





DUCE CHRISTO,  
ATQVE  
MAGNIFICI ICTORUM ORDINIS,  
IN ILLUSTRISALANA CONSENSU  
*benevolo,*  
DISPUTATIONEM JURIDICAM

DE  
D O T E,

SUB PRÆSIDIO

VIRI NOBILISSIMI, AMPLISSIMI ATQVE  
CONSULTISSIMI

DN. STATII HARBORDI  
von Wintheim/ J. U. D. CELEBER-  
RIMI, ET CURIÆ PROVINCIALIS SAXO-  
NICÆ UTRIUSQUE LINEÆ COMMUNIS,  
ADVOCATI ORDINARI,

*Domini Hospitis, Patroni ac Præceptoris sui omni  
observantia cultu et atem devenerandi,*  
PUBLICO ERUDITORUM EXAMINI SISTIT

CHRISTIAN. Anton Stammich/  
Mind. Guest.

AUTOR ET RESP.  
IN AUD. ICTORUM HORIS CONSUETIS

*Ad diem 23. Septemb.*

---

JENÆ, Typis WERTHERIANIS,  
A. M. DC. LXIIX.

32

1668, 56

22

///

6



VIRIS

MAGNIFICIS, PRÆNOBILISSIMIS, AMPLISSIMIS  
CONSULTISSIMIS atq; EXCELLENTISSIMIS

DN. DANIELI ERNESTO

Derenthal / SERENISSIMI ac PO-  
TENTISSIMI ELECTORIS BRANDENBUR-  
GICI, IN PRINCIPATU MINDENSI, CONSILIARIO,  
& CANCELLARIÆ IBIDEM DIRECTORI  
VIGILANTISSIMO,

DN. CASPARO à Schorlemer /

J.U.L. COMITI PALATINO CÆ-  
SAREO, SERENISSIMI ELECTORIS BRAN-  
DENBURGICI CONSILIARIO PROVINCIALI, & RE-  
VERENDISSIMI CAPITULI MINDENSIS SYN-  
DICO MERITISSIMO,

DN. ANDREÆ Crausen / J. U. D.

& REIPUBLICÆ MINDENSIS  
SYNDICO DEXTERRIMO,

*Dominis meis respectivè Affini, Fautori, Cogna-  
to, Promotoribus meis, ut magnis, ita omniob-  
servantia cultu & vultu et atem san-  
ctè devenerandis*

Disputationem hanc testandæ debitæ obser-  
vantia Ergò,

*Officiosissimè offero & consecro*

CHRISTIAN ANTON Stammich /

AUTOR ET RESP.



## PRÆLOQUIUM.



Lycurgum Spartanorum legislatorem, rogan-  
ti, quare puellas elocari indotatas sanxisset,  
respondisse refert Plutarchus; ne vel per ino-  
piam alle illocabiles sint, vel opum causa ambian-  
tur, sed spectans quisque virginis mores, ex vir-  
tute delectum facit. Plutarch in Apopht. in  
Lycurg. † Gravissimè sanè, cum enim teste,  
Juvenali, Sat. 3. de moribus ultima fiat questio; & scèpiùs expe-  
tantur, quæ licet animi careant dotibus, cum optatis veniunt an-  
nexis corollariis, ut loquitur Cruger. Diss. 2 Pol. th. 72. † non  
rarò infelicia exinde conflantur matrimonia, in quibus, ut ait Ec-  
cles. c. 21. nihil nisi odium, contemptus ac ignominia. † Suò id  
exemplò testatur Demanetus, Artemonz maritus, apud Plaut. in  
Asinar. Argentum inquit, accepi, dote imperium vendidi.  
† Quod animadvertens Martialis, respondet:

*Uxorem quare locupletem ducere nolim*

*Quaritis? uxori nubere nolo mea.*

† Nam, ut alibi Megadorus; *Quæ indotata, in potestate est viri,*  
*dotata maclant & malo & damno viros* † Omnes enim, tradente  
Sen. lib. 2. Decl. 6. *divites servitutem exigunt. Crede mihi;*  
*volent regnare in suis divitiis.* † Dos enim, & forma sunt stimuli  
*superbia, & unde dos ingreditur magna, inde libertas egreditur ma-*  
*riti, quæ si cara illi fuisset, ullò pretiò vendita non fuisset,* ut ex  
Francisc. Petrarcha refert Tholos. Lib. 9. Synt. Jur. univ. c. 18.  
n. 12. † Unde & Arist. 2. Pol. 7. *Meliùs nullam, vel exiguam &*  
*modicam constituere.* add. Bod. de Rep. c. 2. Plat. lib. 3. de Rep.  
† His & similibus rationibus, ad eliminandas è republica sua  
dotes moti & alii populi, uti de Indis, Hetruscis & Ægyptiis pro-  
bant, Joach. à Beust. Tr. Connub. p. 2. in pref. Zyving. in Theatr.

11 *Vit. hum. vol. 3. l. 7. rubr. opulentia.* † Ubi in specie, ex Alex. ab  
 Alex. tradit, quod Ægyptii adeò dotes fuerint adversati, ut qui  
 dotes acciperent, veluti mancipia mulieribus addicerentur.  
 12 † adde de Babyloniis Gothofr. in not. ad l. 1. ff. solut. matr. L. D.  
 13 † De Germanis ita Tacitus: *Dotem non uxor marito, sed maritus*  
*uxori offert: intersunt Parentes & propinqui, & munera probant:*  
*munera, non ob delicias quaesita, nec quibus nova nupta comatur, sed*  
*boves & frenatum equum, & scutum cum framea gladioque. In*  
*hac munera Uxor accipitur, atque ipsa invicem armorum aliquid*  
*affert: Hoc maximum vinculum, hac arcana sacra, hos conjugales*  
 14 *DEos arbitrantur. de morib. Germ. c. 18.* † Ita apud Gothos non  
 Mulier Viro, sed vir Mulieri dotem adsignavit, teste Joh.  
 15 Magno l. 7. c. 9. † Alia longè Romanis hac de re stetit senten-  
 16 tia. † Considerarunt nempe varia matrimonii onera, quibus  
 17 ferendis utiliter serviant dotes † unde Pompon. publicè inter-  
 esse, dotes mulieribus conservari, cum dotatas, esse fœminas  
 18 maximè sit necessarium. l. 1. ff. solut. matr. † idem testatur  
 19 Paulus in l. 2. ff. de Jur. Dot. add. l. 20. C. Eod. † Nec etiam  
 rationes in contrarium adductæ, tanti videntur esse momenti,  
 20 ut propterea Romanorum castra deserenda sint. † Non enim  
 aurò verus conciliatur amor, nec perpetuum est, quod dotata  
 21 matrimonia infelices sortiantur exitus. † Oriantur licet ex  
 amplissimis dotibus rixæ; exurgat exinde maritorum quando-  
 que contemptus: quid inde? an hoc necessariò ex dote sequi-  
 22 tur? Nequaquam. † Non enim doti hoc adscribendum, quod  
 cum ea nonnihil per accidens cohæret; cum idem in matrimo-  
 23 nio non dotato quoque contingere possit. † Multas namque  
 ex humili casa prodire videmus uxores, tantò superbiores illis,  
 quæ inter purpuras jacuerunt, quantò regiis ædificiis casa est  
 24 abjectior. † Nec enim in opibus, sed animo, superbia residet.  
 Imò nec hanc ipsam exterminasse è Republ. sua Lycurgum,  
 constat, tum ex Arist. l. 3. Pol. c. 7. tum ipsò suprà citatò  
 25 Plutarcho. † Cum enim Laconica Mulier ab hospite  
 quadam, his verbis. *Sola viris imperatis uxores Spartana,* laces-  
 feretur, illa muliebri hoc imperium non tantum non negavit,  
 sed sat imperiosè, *Sola enim parimus viros, respondet.* Plut. in vita  
Lycurg.

*Lycurg.* quod dein in proverbium abiisse ex Sabellico constat.  
Unicum hanc in rem, cujus, ex Vive, mentionem facit Arnisæus 26  
*Comm. de Jur. Connub. c. 2. n. 30.* lubet inferere exemplum, Viri  
cujusdam primarii, qui jucundum captans Matrimonium, du-  
xerat Uxorem inopem, suâ conditione longè inferiore, à quâ  
tamen contemptus & totus, totus floccifactus est. Mortuâ hâc,  
aliam matrimonio sibi junxerat, suâ conditione & loco dignam,  
quam ita ipsi inserviisse ait, *ac si Verna domi nata esset.* † Uti 27  
ergo in omni causa, non quod per accidens, sed quod per se, &  
ex suis causis sequitur, considerandum est, *c. de occidendis 3. C.*  
*23. Qu. 5.* ita nec hîc doti adscribendum, quod sæpè ex perverso  
animò, & depravatis quarundam moribus fluit. † Cùm verò 28  
etiam in Imperio nostro DOTES sint frequentissimæ, tantus-  
que earum favor, ut pro iis plurima introducta sint specialia;  
ideò pro ingenii viribus eam explicandam, suscepi. † Ne au- 29  
tem sinistrè judices, benevole Lector, quod iterùm Cathedram  
conscendam, scias quid me moverit, UTILITAS nempè quam  
ex hoc exercitio percepi magna, & fides Colendissimo Parenti  
meo, cui vitæ exactæ & studiorum ratio reddenda venit, de eden-  
do adhuc ante discessum specimine, data, quam fallere nolui. † 30  
Tuâ igitur Dexeritate fretus, telam hanc pro virili pertexere,  
aggrediar. † Quùm verò sine dispositione & ordine quid tra- 31  
ctare confusum foret, Disputationem hanc in tria capita di-  
spescui, tractaturus in *PRIMO* Vocis expositionem, defini-  
tionem & divisionem. † In *SECUNDO* DOTIS constitu- 32  
tionem, Dominium & alienationem † in *TERTIO* DOTIS 33  
amissionem & Privilegia. † Ut autem feliciter incipiam, feli- 34  
ciùs pergam, & felicissimè finiam, *Tu DEUS Ter Opt. T.*  
*Max. annue captis clementissimè.*

C A P. I.

VOCIS EXPOSITIONEM,  
DEFINITIONEM ET DIVISIO-  
MEM CONTINENS.

A 3

Non

**N**on hic mihi mens est, diffusam hanc per universum juris pe-  
 lagum materiam, omnesque ejus apices, pertractare: tunc  
 enim præsens discursus in volumen excresceret, sed quantum in-  
 stituti ratio feret, ea quæ apud Autores sparsa inveni, huic in-  
 cludam Disputationi. † Verum cum eruditionis principium  
 sit verborum intelligentia, quod, ut in aliis disciplinis, ita &  
 maximè in civili hæc sapientia verissimum esse testatur Wissenb.  
 2 *in pr. comm. ad tit. ff. de V. S.* † quippe, cum sine nominis expli-  
 catione rem cognoscere velle, sit nihil agere. argt. *l. i. ff. de l. & l. i.*  
 3 *ff. de Reb. cred. l. i. § 1. ff. de Pactis* † cognitio enim usu vocis, soepè  
 in ipsam rei cognitionem inducimur, ut Arist. 3. *Metaph.* 2. & 2.  
 4 *Top. 6. monet.* † Meritò, ne quod dicitur, illotis manibus rem  
 ipsam aggrediar, *Etymologiam DOTIS* paucis præ-  
 mittam. † Mutuatù DOTIS vocabulum à Græcis, & quidem de-  
 scendere volunt Dd. à verbo *didōus* vel *didōw* dono, largior, unde  
*dōllw, dōua, dōus,* & poëtice *dōs*, indeclinabile, datio, donum, Ba-  
 chov. *ad Treutl. Diss. 7. ib. i. L. A. Petr. Gregor. Thol. in Synt. Jur.*  
 6 *Univers. l. 9. c. 17. n. 3.* † Et est *Homonymum* variasq; ad-  
 mittit significationes; † Nam aliquando accipiunt *largissime,*  
 7 *pro omni accessione,* ad sufficientiã rei alicujus vel personæ  
 8 necessaria, ita accipitur in *l. 52. §. 2. ff. de fidej. & mand.* † ubi  
 Wiss. *ad hunc. cit. n. 13.*, dotes prædiorum explicat, quod sint,  
*ἐπιθήκαι* Impositiones, ut stercora, boves aratorii, aratra, ligo-  
 nes, pedamenta, Vimina, stabulæ, casæ, rastra, sacci fundo de-  
 9 *de instr. vel iustr. leg.* † Ita & Varro *l. 4. de re rustica* Vineam  
 cum sua dote, dicit, quod Tholos. *loc. cit. n. 4.* explicat, cum  
 10 suis pedamentis & viminibus. † Interdum significat  
*id quod nobis præcipuum* est, sive ab hominibus sive  
 aliunde concedatur: ita dicimus, hic Juvenis habet egregias  
 11 animi dotes. † Sic Rahel, cum infœcunda fuisset, & beneficio  
 Dei filium peperisset, dixit; *dotavit me DEus dote bonâ. Gen.*  
*cap. 30.* Ita Scholastici, dotes appellant qualitates spirituum,  
 quas beatorum corpora in vita æterna assumunt. Quales qua-  
 tuor



tuor numerant, impassibilitatem corporum, claritatem, agilitatem & subtilitatem. Plurimum Rever. Dominus Joach. Hildebrand. *Disp. Theol. 7. n. 41. & 42.* † Nonnunquam *large* 12  
Dos dicitur id, *quod datur Moniali*, monasterium, ingredienti, item quod *Ecclesie* vel Capellæ noviter constitutæ & constructæ. Cum enim ipsa censeatur sponsa futuri Sacerdotis, onera quasi Mariti, in celebrandis sacris, subituri, opus est DOTE ei constitui, aliàs nec potest ædificari, fundari vel consecrari *Dist. 1. c. cum sit de consecrat. Eccles. vel alt.* † hinc 13  
notissimus ille vel versiculus: *Patronum faciunt Dos ædificatio fundus.* † *Proprie verò Dos, refertur* 14  
*ad Matrimonium*, & significat I. *Titulum* seu causam l. 47. §. ult. ff. de Pec. r. t. ff. pro Dote. † II. denotat 15  
*id, quod à Muliere vel alio ejus nomine, Marito datur,* l. 1. ff. de Jur. Dot. aut rem in Maritum translatam. l. 6. 10. & 11. C. de Jur. Dot. † III. *Jus Marito in re dotali competens,* 16  
l. 3. ff. & l. 20. C. Eod. & l. 9. ff. de Imp. in res Dot. Magnif. Dn. Struv. *Synt. Jur. Civ. Exerc. XXX. th. 1.* † Germanicè vocatur 17  
*Wittgiffel/ Heimstener/ Ehesteur/ Ehegelt/ der Frauen Einbringen/ Brautschas.* lum idd  
† In Secunda significatione definitio, quod sit *substan-* 18  
*tia rerum, ab uxore vel ejus nomine, pro sustinendis oneribus matrimonii, marito data vel*  
*promissa.* † Dicitur *substantia rerum*, quo indigitem, 19  
dotem non esse rem singularem, contra l. 1. §. 4. de Dot. præleg.  
† Sed universitatem quandam, seu totum illud quod ab Uxore 20  
ad Maritum pervenit, constitutione in dotem quasi animatum, ut loquitur Magnificus Dominus Strauch Præceptor ac Patronus meus, sanctè mihi devenerandus *Ex. 3. th. 1.* † Quemad- 21  
modum aliàs substantia pro universitate accipitur l. 51. de petition. hered. l. 3. §. 5. ff. de Contr. tut. & util. act. † Ita Dos 22  
expressè vocatur mulieris substantia in l. 12. C. qui pot. in pign. &

& proprium mulieris patrimonium l. 1. §. 1. ff. de Minorib. l. 16.  
23 ff. de Rel. & Sumpt. † Additur *ab Uxore, vel ejus*  
*nomine*, non enim ipsa tantum mulier, l. 1. l. 4. l. 16. l. 28. C.  
de Jur. Dot. Sed & alius seu Pater seu Extraneus (qualis hic est,  
omnis præter Parentem per virilem sexum adscendentem l. un.  
§. accedit. 14. C. de Rei Ux. Ad.) dotem constituit. De quo la-  
24 tius sequenti cap. † *Differentia* loco ponitur; *pro su-*  
*stinendis oneribus matrimonii*; Maritus namque,  
cum onera matrimonii sustinere cogatur, meritò pro hisce fru-  
ctus ipsius iure cedunt. l. pro onerib. 20. C. de Jur. Dot. †  
25 *Data* denique *vel promissa* annectitur quia non tantum  
tradita (Quæ aliàs propriè dos dicitur l. 13. §. 2. l. 14. §. pen. ff. de  
Jur. Dot. Wissenb. ad h. t. Costan. Comm. de Dot. c. 2. n. 12.) sed &  
26 *promissa*, nobis consideranda. t. t. de Dot. l. 1. §. 1. ff. de Dot. collat. †  
Ubi dos, *promissa* confertur, ideò, ne fratres sorori suæ de dote  
*promissa* teneantur, & collatione non factâ, Soror Dotem præci-  
puam habeat. add. Fach. 10. contr. 24.

Ex dictis facilè responderi potest ad quæstionem quæ mo-  
27 vetur inter DD. *An DOS sit Jus Universale?* †  
Quamvis enim multi negativam defendant, & inter eos impri-  
mis Bald. Novelli Tr. de Dote part. 2. n. 4. Ubi multa producitur  
argumenta, hisce tamen satisfacere videtur Ant. Guib. Cost.  
28 d. l. num. 7. † Ubi firmiter inhærendum censet huic opi-  
nioni, DOTE esse quid universale, adeoque libellum gene-  
ralem in causa DOTE admitti. l. ult. C. de Sent. quæ sine cert.  
quant. de quo pluribus videatur dictus Aut. cis. loc. & Beust.  
part. 3. q. 2.  
29 † Definitionem meritò excipit Divisio. Dividitur autem  
30 communiter, in *profectitiam* & *adventitiam*, † *Illa*,  
est, quæ à Mulieris Patre ut patre, (ejusve intuitu l. 5. §. 2. ff. de  
Jur. Dot.) vel alio in linea paterna adscendente, licet mulierem  
31 in potestate non habeat, profecta est. † Nam parentum no-  
men, non autem potestatis jus dotem facit profectitiam l. 5. §. 11.  
32 ff. de Jur. Dot. †

HAC

*Hæc*, quæ à Matre mulieris, aut Avo materno vel quo-  
vis alio data est d. l. 5. §. 11. ff. de Jur. Dot. l. 6. C. Eod. l. unic. §. 15.  
cedit ei 13. C. de Rei Ux. Ad. Dn. Struv. Ex. XXX. ib. IV. Bach.  
ad Wesemb. n. 3. † ubi monet, hanc distinctionem non esse ge- 33  
neralem, sed dotis, quæ filia datur propriam. † Ex hisce patet, 34  
id etiam doti adventitiæ annumerandum esse, quod Extraneus  
dat filia nomine, ut pro ea in dotem daret, nam illa non potest  
dici profectitia, non enim ad hoc datur, ut ipse parens habeat,  
sed ut pro filia expendat l. 5. §. si quis certam 9. §. 6. C. ult. ff. de Jur.  
Dot. † hinc, quum nomine filia data sit patri, & pater nomine 35  
filia acceperit, l. 3. ff. de Donat. L. 13. in pr. ff. de acquir. rer. Dom.  
non potest pater in ea filia, cui illa jam acquisita, præjudicare,  
nec conditionem illius facere deteriorem. † 36

Porro Dos est vel *æstimata* vel *inæstimata*: † illa 37  
est, quando certum aliquod pretium rebus dotalibus adsignatum  
est. † *Hæc* vocatur, quando nullum certum pretium est adje- 38  
ctum, sed absque æstimatione marito tradita. † *Æstimata*, 39  
plenissimum Jus omneque commodum & periculum, omnia  
augmenta, fructus, partus, ad maritum transfert, l. un. C. de Rei  
Ux. Ad. l. 5. C. l. 10. C. de Jur. dot. l. 42. ff. eod. † Unde hic non 40  
tenetur præcisè rem dotalè restituere, sed exhibendo pecuniam  
æstimatam liberatur l. 12. §. 1. ff. de Jur. Dot. l. 10. §. ult. b. t. † 41  
In inæstimata, licet Maritus suo modò Dominus sit, quemadmo-  
dum infra latius ostendam, periculum tamen ad mulierem, tan-  
quam Dominam naturalem pertinet l. 10. pr. ff. d. t. † Ut 42  
autem hæc rectius intelligantur, sciendum, *æstimationem*,  
*fieri dupliciter; vel emtionis celebranda causa:*  
d. l. 10. C. l. 12. C. Eod. *vel solummodo taxationis*  
gratia, ut sciatur qualis res fuerit, & quomodo solutò matrimo-  
nio restituenda. † Posteriori æstimationi, prædicti effectus 43  
attribui nequeunt; † Quando enim constat, eâ mente factam 44  
æstimationem, ut res æstimatæ restituantur, tunc adjectio resti-  
tutionis in individuo, prohibet æstimationem facere emtionem

B

&

& hoc tantum operatur, Ut dolò malò & culpâ mariti pereun-  
tibus aut diminutis speciebus *l. 66. ff. sol. Matr.* alio pretiò,  
quam quò taxata fuerint non possint repeti *d. l. 21. C. de Jur. Dot.*  
45 Vid. Tholos. *cit. loc. c. 21. num. 3.* † Ulterius Dotem dividunt  
46 in *veram & putativam*, † *Illam dicunt*,  
47 quæ accedit Matrimonio justo & legitimo † *hanc*, quæ injusto  
& illegitimo, hoc est quod de Jure vel Civili vel Canonico vel  
constitutione Principum non subsistit, verbi gr. Cum Servus  
cum libera, vel consanguinei in gradu prohibito, Matrimonia  
contrahunt, Beuff. *dict. loc. q. 3.* Herm. Vult. *Com. ad Inst. de*  
*Nupt. num. 12.* Ubi addit, dotem putativam, dotem magis dici,  
48 quam esse: quia subjectum ejus, nuptiæ non valent. † Per ac-  
cidens ergò & ratione effectus Dos dicitur, quatenus, si matri-  
monio ejusmodi putativo dos accessit, & ex parte sceminæ nihil  
peccatum, privilegia in hujus repetitione non minus concessa  
sunt, quam in vera. argt. *l. 18. ff. de R. A. Jud. poss. l. 22. S. 2. ff.*  
*sol. Matr.* Bachov. *ad Wesemb. ibique Hahn. b. t. num. 2.*

## C A P. II.

### DOTIS CONSTITUTIONEM, DOMINIUM ET ALIENATIO- NEM EXPLICANS.

DE Constitutione Dotis disserturus, nonnulla de modo con-  
stituendi, persona constituyente, quibus constituatur, quan-  
1 ta & qualis constitui oporteat, præmittam. † Circa modum  
distinguenda constitutio in specie ita dicta, à promissione & ac-  
2 quisitione. † *Constituitur* autem *velultima vo-*  
*luntate*, idque tum testamento *l. 48. S. 1. ff. de Jur. Dot. l. 71.*  
*S. 3. ff. de Cond. & dem.* tum codicillis & mortis causa donatione  
3 *l. 76. ff. de Jur. Dot.* † Vel *inter vivos* traditione, seu vera  
4 *l. 46. d. t.* seu ficta, ut cautione *l. 3. S. sicer. ff. de Ab. Empe.* † Patien-  
tia

tiâ l. 3. ff. de Usufr. † Acceptilatione, l. 41. §. 2. b. t. quæ si 5  
ante matrimonium intercesserit, & nuptiæ non sequantur, ex sen-  
tentia Scevolæ nulla est l. 43. ff. de Jur. Dot. † Delegatione, 6  
l. 41. §. 3. l. 56. l. 80. pr. ff. de Jur. Dot. † Circa hanc notandum, 7  
quod si Maritus debitores, cum potest, non exigat, & interim fa-  
cultatibus labantur, rem sui periculi faciat, aliter mulieris  
damnum sit l. 49. pr. ff. Sol. Marr. † Cessione l. 2. C. de Obl. 8  
§. 1. † Debiti remissione l. 58. §. 1. §. l. 59. l. 77. Eod. 9  
† *Promittitur* vel stipulatione l. 20. ff. de Jur. Dot. vel 10  
nudâ conventionem. † Quamvis enim aliâs Pactum Actionem 11  
non pariat, hoc tamen est à lege confirmatum, & ad producendâ  
actionem efficax l. 6. C. de Dot. Promiss. l. un. pr. C. de Rei Vx. Act.  
Adde Magnif. Dn. Strauch. Ex. 3. tb. 10. Beat. Dn. Hahn. b. t.  
n. 6. Beust. Tr. Connub. p. 3. vers. constituitur. † Patet ex hisce 12  
malè statuisse Bachov. in not. ad Wesenb. tit. de spons. n. 1. datio-  
nem in dotem esse contractum verum, & quidem realem. † 13  
Quemadmodum & errarunt Connanus & Donellus qui contra-  
ctum innominatum, nempe do ut facias, constituerunt; † Rectè 14  
propterea notati, à Dn. Hahnio in notis ad Wesenb. tit. de Spons.  
n. 1. §. tit. de Jur. Dot. n. 2. vers. constituitur. §. num. 4. Eod. † 15  
Illud & hic addendum, tacitam à nonnullis dotis constitutionem  
induci ex. l. 30. l. 40. ff. de Jur. Dot. l. pen. §. 5. ff. sol. Marr. † 16  
Unde inferunt Dd. communiter, pactum dotale in contractu pri-  
mi matrimonii factum, repetitum censi in contractu secundi  
matrimonii. † Verùm rectè monet Sandæus, textus hosce in 17  
telligendos esse, non de secundo matrimonio, sed eodem, inter  
easdem partes, si fortè primum fuerit divortiò solutum, renova-  
tò: tunc enim & dos ab initio hujus matrimonii constituta, re-  
petita censetur. Sand. l. 2. r. 2. def. 3. † 18

Constitutâ ita dote, adjici solent *Pacta*, quæ dicuntur  
*dotalia*. † Fiunt hæc plerumque de Dotis quantitate aut 19  
de modo Dotis constituendæ, de lucro dotis, rerum in dotem  
datarum æstimatione aliisque quæ matrimoniò quomodocun-  
que solutò in disquisitionem venire solent. Vult. *Jurisp. Rom.*

20 *lib. 1. cap. XX.* † Hodiè ex consuetudine Germaniæ, Pacta in-  
 untur etiam de aliis rebus, & de futura successione (quæ  
 etiam si reciproæ, de Jure Civili haud valebant *l. ult. ff. de suis &  
 legit. hered. l. 3. C. de collat. l. 15. & l. 19. C. de Pact.*) iis disponi-  
 21 tur, † Unde Magnif. Dominus Struy. *Synt. Jur. Civ. Ex. XXX.*  
 22 *ib. 19.* ea dividit in *simplicia & mixta.* † *Illæ*  
 sunt, quæ dotem, donationem propter nuptias & quid in casum  
 mortis in istis obtinere debeat, determinant, vel etiam alia bona  
 (etiam universa. Vid. Sand. *l. 2. Dec. r. 2. def. 2. 4. & defn. 7.*)  
 superstiti assignant conjugum, modò per verba contractus vel do-  
 nationis inter vivos fiat, dilatò saltem tempore solutionis in  
 23 diem mortis. † *Hæc*, quæ non solum continent dotis & do-  
 nationis propter nuptias promissionem sed & quæ de futura  
 successione conjugum inter se agunt, verbis ultimæ voluntatis  
 24 concepta. † Et tantum de modis constituendi. Nunc de per-  
 25 sona constituyente & quibus constitui debeat. †  
 Personarum verò constituentium, quædam legis necessita-  
 26 te & naturali æquitate adstrictæ sunt, quædam non. † Quæ  
 dotare tenentur, sunt, primò *PATER*, qui non solum Filii  
 dotem dat, sed etiam si ætas & conditio puellæ efflagitat, dare per  
 27 magistratum cogitur *l. 19 ff. de Ritu Nupt.* † Paternum enim  
 officium appellatur, dotem vel donationem propter nuptias,  
 dare pro sua progenie *l. ult. C. de Dot. promiss.* adeò ut si filius-  
 familias pecuniam mutuam acceperit, ut eam pro sorore sua in  
 dotem daret, pater de in rem verso teneatur *l. si filiusfam. 17. ff.*  
 28 *d. SC. Macedon.* † Quod tamen ad Patrem divitem restrin-  
 git B. Carp., *Jurispr. Forens p. 2. Const. 42. def. 12.* Nam pater  
 inops aut multis debitis involutus, ad dotationem haud obliga-  
 29 tus est, *l. 10. §. 14. Quæ in Fraud. credit. l. ult. Eod.* † Secundo  
*AVUS*, Nepti dotem dare debet, quoniam officium Avi erga  
 neptem ex officio patris erga filium dependet: & uti pater filii,  
 ita avus, propter filium nepti dotem dare tenetur, *l. 6. ff. de*  
 30 *Collat. & l. 7. §. ult. ff. de in rem vers.* † Quod tamen de avo  
 paterno intelligendum, nam, si Maternus dederit, tanquam Ex-  
 31 traneus dedisse intelligitur. *l. 45. Solut. Matr.* † Tertio  
*Fra.*

*Frater sororem inopem*, dotare tenetur argt. *l. 12. §. 3. de Adm. & peric. tutor.* † Unde imprimis in terris Saxonix 32  
introducuntur esse consuetudine affirmat, Schneidevv. *Comment. ad Inst. de Act. §. Fuerat. 29. n. 97.* quod, si pater nobilis decedat, non relictis bonis hereditariis, ex quibus filia commodè & pro statu & conditione suæ personæ dotari possit, licet feuda in dotem dari nequeant, fratres tamen, isto casu teneantur dotare, sorores de bonis feudalibus, secundum dignitatem natalium patris & quantitatem bonorum feudalium, Magnif. Dn. Richter *Tr. de priv. cred. disp. 8. Carpz. p. 2. const. 46. def. 16. lib. 4. Resp. 65. & Dec. Illust. 173. & 174. Magnif. Dn. Struv. Synt. Iur. Feud. c. 14. Aph. 17.*

† Qui ad constitutionem dotis necessariò non tenentur 33  
sunt Extranei. † Unde an *Mater* dotare filiam debeat du- 34  
bitatur? & licet legitimam filiabus debeat *Nov. 115. c. 3. §. aliud* non  
tamen ad constitutionem dotis, legis necessitate eam adstringi  
existimo *l. 14. C. de Iur. Dot. Nisi ex magna & probabili causa. d. l.*  
† Aliàs quivis dotem constituere potest *l. 33. ff. de Iur. dot. l. 28. 35*  
*C. Eod.* & dotem promittens, (modo aliàs sit, obligationis  
capax) obligatur, cujuscunque sit sexus aut conditionis *l. ult. C. ad Sc. Vellej. †* 36

Persona cui dos constituitur est non tantum filia in pote-  
state patris constituta, *l. 19. ff. de Ritu Nupt.* Sed & emancipata  
argt. *l. 5. §. 11. ff. de Iur. Dot. †* 37

Sed an pater filiam locupletem dotare teneatur,  
variè sentiunt DD. Affirmantes inter alia hæc producunt argu-  
menta; Quod favorabilior sit causa dotis, quam alimentorum,  
*Gail. lib. 2. Obs. 95. n. 15.* cum Dos comparetur legitimæ, quæ ditis-  
simis etiam debeatur, alimenta verò non item *l. 5. §. 7. ff. de agno-  
scend. & alend. lib.* † Objiciunt etiam. *l. ult. C. de dot. promiss.* Sed 38  
ad hanc respondet Arn. Vinnius *Selec. Jur. Quest. lib. 2. cap. 14.*  
agere Imperatorem in ea, de patre habente usumfructum in  
bonis liberorum adventitiis; sed non jubere patrem dotem,  
de suo dare, verum si dotem ultrò promiserit, definire, ex cujus  
bonis hoc pater fecisse censeretur, utrum de bonis propriis 34

29 ex liberalitate, an de bonis filia; † Quare nec hæc ratio  
adducta, ut statuam, Patrem filia locupleti dotem dare adstri-  
ctum esse, me movere potuit, eò minus, cum argumentum à le-  
40 gitima ad dotem, ob diversitatem rationis nihil probet, † Illa  
enim mortuò demùm patre debetur, hæc datur à patre vivo, in  
cum, finem ut filia conditionem matrimonii inveniatur, l. 2. ff. de  
41 *Jur. Dot.* † Si itaque filia ob propria bona talem conditio-  
nem reperire potest, omninò cessare causam onerandi patrem  
42 ex B. Carpz. P. 2. *Const.* 42. *Def.* 13. *num.* 4. firmiter statuo; †  
Falsum quoque est, DOTIS causam favorabiliorem esse causam  
alimentorum: Nullum enim, cui inicitur, video fundamentum:  
Nam alimenta de jure naturali debentur, Dos verò non æquè,  
cum igitur illa non debeat pater filia, locupleti l. 5. §. 7. ff. de  
43 *Agnos. lib. & Par.* multò minus DOTEM. † Distinguens ta-  
men cum supra citato Vinnio concludo, quod, si filia habeat  
quædam bona libera, plenò jure ex bonis Maternis, aut aliunde;  
quorum usufructum pater non habet, unde honestè pro condi-  
tione suæ personæ dotari queat, pater ad eam de suo dotandam  
44 cogi non possit. † Si vero filia nulla bona propria habeat,  
aut nudam tantum bonorum proprietatem, usufructu apud Pa-  
trem constitutò, pater aut ex suo patrimonio Dotem dare de-  
bet, aut remisò usufructu, quem in bonis filia habuit, plenum  
45 eorum jus ex causa dotis in filiam transferre. †

Succedit alia Quæstio, *de filia qua sine consensu*  
46 *patris nupsit*, an eam pater dotare teneatur? † Commu-  
niter distinguunt DD. an digno an indigno nupsit; Si di-  
gno, subdistinguunt, an dotem promiserit nec ne: priori casu,  
ajunt filiam dotari oportere, eò quod Maritum elegerit dignum;  
47 Secundo casu eum non teneri affirmant. † Quæ sententia, si  
per dignum intelligas eum, ubi causam dissensus vel nullam, vel  
non justam prætere possunt parentes, adeò improbanda,  
non est, Tunc enim etiam jure Civili, ex constitutione Divorum  
Severi & Antonini, coguntur parentes in matrimonium collo-  
48 care & dotare filiam l. 19. ff. de *Rit. Nupt.* l. 18. *C. Eod.* † Nec  
*obstat* quod, nisi consensus Parentum interveniat, nullum sit ma-  
trimo-



trimonium, nulla Dos. *S. pen. Inst. de Nupt. l. 11. ff. de Stat. Horn.*  
utpote quæ absque Matrimonio esse non potest, *l. 3. ff. de Jur.*  
*Dot.* † *Respondetur* enim, hoc in casu parentes sese indignos 49  
facere morositate suâ, paternò nomine; † Unde permissu & 50  
Decretò Consistoriorum, invitis etiam parentibus, *Matrimo-*  
*onium contrahere* permittitur, ut ex Heigio, Gerardo,  
Harprechto & Ord. Eccl. Elect. Saxon. probat Carpz. Jurispr.  
Consistor. *l. 2. def. 53.* ubi elegantem citat locum, in quo Lu-  
therus ejusmodi dissensum vocat *Väurischen Muthwillen/* &  
parentes absque causa consensum denegantes *Grobe Rungen*  
additâ ratione, *Dañ väterliche Macht den Eltern von Gott gege-*  
*ben/ nicht zum Muthwillen/ noch zum Schaden der Kinder/ son-*  
*dern dieselbe zu fordern und zu helfen/ und wer der väterlichen*  
*Macht anders braucht/ der verleuret sie damit/ und soll nicht Vater*  
*sondern Feind und Verderber seiner eigenen Kinder geachtet wer-*  
*den.* † Accedit & hæc ratio, quod aliàs denegando consensum, 51  
Pater per indirectum in fraudem legis, oneri dotandi filiam sese  
subtrahere possit.

† De *Filia Monasterium ingrediente*, 52  
nulli dubium erit, quin pater ei dotem constituere teneatur,  
consideranti, validum esse argumentū à matrimonio carnali ad  
spirituale; † Verùm eam *quæ à verâ pietate & reli-* 53  
*gione descivit*, Pater, dotare non tenetur, nisi Pater æquè  
hæreticus esset, tunc enim recriminatio paria delicta tolleretur  
*l. 3. C. de Eo per quem fact. erit*, Vid. pluribus Schneidevv. sæpè  
cit. loc. *n. 89. 90. & seqq.* † 54

Hactenus de personis, proximum erit ut de *Quantitate*,  
agam. † Hæc autem in Jure nostro definita non reperitur, 55  
Lege Divina, ait Bodin., *l. 5. de Republ.* dotem maximam quin-  
quaginta siclis (de Siclo Sanctuarii, Regio & Communi, Vid.  
Paul. Crell. cum add. Dan. Fessellii in *Concord. Bibl.*) consti-  
tutam habemus, citat hanc in rem *c. 22. v. 29.* Verùm, quod &  
notat Arnisæus *de Jure Connub. c. 3. Sect. 8. num. 17.* Nihil ex hoc  
loco colligitur. Non enim ibi determinatur Dos, sed consti-  
tuitur

tuitur poena, irroganda marito, qui uxorem adulteri falsò infi-  
56 mulavit, solvenda patri innocentis. † Exodi 22. vers. 17. fit  
quidem mentio DOTIS, quam virgines accipere consueve-  
runt, sed & hunc txt. Glossa in Bibl. Ernest. explicat, Nach der  
57 Person und ihres Standes Gelegenheit † Aliàs, nonnullos  
populos de certâ quantitate certas promulgasse leges testatur,  
jam cit. Arnif. d. Comm. Pol. de iur. Connub. c. 3. num. 18. videli-  
58 cet Venetos qui Patriciis terminum dotis constituerunt sex mil-  
lia ducatorum aureorum. † Caroli IX. Gallorum Regis, tra-  
dente Eodem, Lex fuit 1563. *Ne pourront les peres &  
meres ayeul & ayeule en marians leurs filles es  
villes de nostre Royaume, pays, terres & Sei-  
gneuries, de nostre obeissance, excéder la somme  
de dix mille livre tournois, à laquelle avons mo-  
derè le plus haut dot, de constitution de mariage.*  
lib. 5. corp. Gall. l. 2. Quam tamen legem non antiquitate sed  
novitate suâ evanuisse tradit, Bodin. d. l. 5. Ubi Henrici II.  
Constitutione DOTEM quadringenta aureorum millib. definitam  
59 fuisse simul affirmat. † Priscis seculis Dos apud Romanos  
erat æs grave, hinc decem millia æris dotes non excessere.  
Postea corruptis moribus 40. Millia, quam & ipsam summam,  
tandem supergressa MEGALIA & quod quinquaginta mil-  
lia dotem dedisset, dotata nomen tulit. Alex. ab Alex. Lib.  
60 4. c. 3. †  
Exsurgit hinc quæstio, à Politicis agitata *an certam  
dotem determinare Reip. expediat?* Pro affir-  
mativa hæc potissimum stat ratio, quod Reipubl. intersit, ne ex-  
hauriantur familiæ, & ut patrum cupiditati & arrogantia meta  
ponatur, ne dum inconsultò superiorum nuptias ambiunt, am-  
pliores promittant DOTEM quam cui exsolvendæ, universa  
61 sufficiant bona. † Pro negativâ urgent, quod quilibet rerum  
suarum sit liberrimus Moderator & arbiter, l. 8. C. Mand. quòd  
hoc dominium sit ex jure gentium, & sine urgente necessitate  
ne-

nequeat auferri, adeoque nec Princeps possit prohibere, ne quis  
amicos sibi & Generos suis quærat opibus: quodque non sit illi-  
citurum, aliquem promissis divitiis ad Matrimonium invitare,  
*L. 17. §. de Cond. & demonst. l. 1. C. de Instit. & Subst.* † Ego, 62  
tam divitibus quam pauperibus æqualem, adeoque juxta pro-  
portionem arithmeticam, velle præscribere dotem, cum Arnif.  
inconueniens esse, imò iniquum existimo. *Tr. de Jur. Connub. c. 3.*  
*sect. 8. n. 16. & seqq.* † Si verò secundum proportionem ordi- 63  
nis & census certa Dos determinetur, causam, cur ejusmodi  
leges, dotes restringentes improbem vix video. † 64

Hodiè Dos semper pro modo facultatum constitui debet.  
Estque quantitas illa vel definita vel indefinita. Definita, cum  
quantum Doris nomine constituatur, partium conventionem ex-  
pressum est, veluti cum mulier fundum, certam pecuniæ quan-  
tatem, aut omnia sua bona in dotem esse vult, ut in *l. 4. C. de Jur.*  
*Dot.* † Indefinita est, quando Dos non factâ certæ quantita- 65  
tis mentione simpliciter promittitur. † Hinc quæritur an in- 66  
definitâ quantitate Dos utiliter promittatur? Et utiliter pro-  
mitti colligitur ex Respons. Papiniani, *l. 69. §. Gener. 4. ff. de*  
*Jur. Dot.* † Quem textum generaliter intelligendum non, 67  
pauci contendunt, adeoque sive à Patre, Muliere, seu Socero seu  
Extraneo facta promissio, efficacè ad producendam ex *l. 6. C. Dot.*  
*Promiss.* conditionem, statuunt † & quidem Bachov. in *Not. ad* 68  
*Wesemb. n. 5.* his movetur rationibus. 1. quod ratio *l. 69. §. 4.*  
*ff. de Jur. Dot.* sit generalis 2. textus etiam *d. l. 3. C. de Dot.*  
*Promiss.* loquatur de Extraneo 3. quod Maritus non debeat de- 69  
cipi. † Ad textum etiam, *l. 1. C. de Dot. Promiss.* respondere 69  
conatur distinguendò; an simpliciter dictum fuerit, dotem da-  
tam iri, an vero disertè, à certa persona pactò vel stipulatione dos  
promissa. † Verùm 1. hæc Responsio est contra *ix. l. 1.* ibi 70  
enim ipsa mulier dotem dare promiserat. Difficultas ergò re-  
manet. † Ego cum DD. communiter distinguo, an Dos in- 71  
definitè promissa sit, adjectò arbitriò, ubi, si arbitrium fuerit se-  
cutum, valet promissio; † an non: Si nulla mentio facta arbitrii, 72  
aut illud non sequatur, distinguendum cum Wesemb. & DD. in-  
ter Patrem & mulierem sive extraneum, Magnif. Dominus

C

Strauch.

- 73 Strauch. *diſt. Diſſert. 4. th. 10.* † Rationem diverſitatis ex Her-  
menopulo reddit. Wiſſemb. *d. tit. n. 13.* hanc, quod promiſſioni  
à Patre factæ inſit arbitrium boni Viri (quod & in *l. 3.* innuitur,)   
74 ſecus in eâ, quæ fit à Muliere vel Extraneo † Ad Bachov.  
rationes reſpondet Beatus Dn. Hahn. *ad Weſemb. tit. de*  
*Jur. Dot. numer. 5.* Decisionem hic non eſſe ſumendam,  
ex favore dotis, ſed exinde, quod obligatio Extranei nihil certi  
contineat, qui nec ſuccedaneè, ſive in ſubſidium obligetur, Pa-  
tris verò obligatio certum quid habeat ex juris conſtitutione.  
75 † Aliter hanc rem explicat, Anton. Faber. *in C. l. 5. tit. 6.* ſta-  
tuens, quod nec Pater teneatur ex incerta promiſſione, utpote  
quæ non valeat, nec favore etiam dotis ſuſtineatur, ſed quia  
etiã ſi nullam promiſiſſet tamen ad dotandam pro facultatibus  
filiam ex officio paterno teneretur *diſt. loc. add. Fachin. 8. Contr.*  
76 75. Brunn. *in Comm. ad l. 1. C. de Dot. Promiſſ.* †

*Dari* in Dotem poſſunt *res omnes, quæ in com-  
mercio ſunt*, ſive mobiles, ſive imobiles ſint *l. 42. & ſeqq.*  
*ff. de Jur. Dot.* Sive corporales ſive incorporales, ut nomina (ipſum  
quoq; creditum marito *l. 77. ff. eod.*) Actiones, Jus hereditarium  
*l. 13. §. 10. ff. de pet. hered.* Magnif. Dn. Struv. *Synt. Jur. Civ.*  
*Exer. XXX. th. VI.* Uſusfructus *l. 17. & ſeqq. C. de Jur. Dot. l. ult.*  
77 *§. 2. C. Eod.* † Res autem quæ in dotem dantur ſunt vel æſti-  
mata, vel inæſtimata, Æſtimatarum pleniffimum jus Maritus  
conſequitur, ità ut commodum ac periculum ad eum ſpectet,  
78 *l. 1. C. de Rei Ux. Aſt.* † Unde ſi Uxor veſtes æſtimatas dederit, eas-  
que atterat, maritus ei novas reddere debet. *l. 10. ff. de Jur. Dot.*  
79 † Inæſtimatarum verò omne periculum ad Mulierem, tan-  
quam Dominam naturalem pertinet. *d. l. 10. ff. de Jur. Dot.*  
Cùm verò non ſolùm res propriæ, de quibus nulli dubium erit,  
ſed & interdum *alienæ* in dotem dentur, videndum, quid de  
80 illis obtineat. † Diftinguo autem cum Magnif. Dn. Struvio  
*diſt. Exerc. th. X. ex l. 1. C. de Jur. Dot.* *Vel initio fuit*  
*promiſſio interpoſita, vel ſtatim à datione do-*  
*tis conſtitutio capit,* ſeu non præcedente pollicitatione;

Aut

Aut stipulatione dos est data; † *Priori casu* ob dotem evi- 81  
ctam *datur actio* ex stipulatu, non enim videtur promissio- 82  
nisi dotis, cui onerosa causa subest satisfacisse, qui rem alienam  
præstitit; † *Posteriori casu* subdistinguo, *an dos fue-* 82  
*rit data estimata*; & quia emptio & venditio videtur  
inita l. 10. §. 5. ff. de Jur. Dot. l. 5. C. Eod. Actio ex empto ob  
evictionem competit, *an* vero *simpliciter non estima-*  
*ta bonâ fide* fuerit data, & quia rem dedit eô quô habuit  
jure, & nulla conventio præcessit ex quâ possit dari actio, ra-  
tione evictionis non tenetur; † Si autem dolus dantis inter- 83  
cesserit, actio de dolo contra extraneum vel in factum contra  
Socerum aut Mulierem competit. † Quamvis autem bona 84  
fide re alienâ in dotem datâ, non detur actio ad evictionem præ-  
standam, Pater tamen ex officio paterno ad aliam constituen-  
dam dotem tenebitur, Imò & Mulier ex ficta à Justiniano in-  
troducâ stipulatione, pro rebus dotalibus evictis obligatur l. un.  
§. 1. C. de R. U. A. Hæc Magnif. Dn. Struv. Synt. Jur. Civ. Exerc.  
XXX. tot. tb. add. Schneidevvin. Comm. ad Inst. de Action. §. 29. n. 46.  
† Brun. ad d. l. 5. C. de Jur. dot. Et hæc de rebus dixisse sufficiat. 85

*Ad Rerum in dotem datarum dominium*  
*transeo*, quod varios variè disputasse video. † Utri-  
que Illud tribuendum videtur, sed diverso respectu, nam, 86  
*Mulier* competit, *quatenus ab illa vel ra-*  
*tione illius à Patre dos est constituta*, & non  
simpliciter, sed certô modô solum quamdiu matrimo-  
nium durat, ad Maritum sub ista qualitate civili est translata,  
ad Mulierem verò solutô Matrimonio reversura Laud. Dn.  
Struv. dict. Exerc. tb. 3. † Dicitur enim in l. un. §. 5. hoc 14. C. 87  
de R. U. A. & in l. 3. §. Ergo. ff. de Minor. dos etiam vivo patre  
proprium patrimonium Mulieris, in l. 16. ff. de Relig. & Sumpt.  
funer. Mulieres dicuntur de suis dotibus, quasi de suis patrimo-  
niis funerandæ, & in l. 7. ff. de Jur. Dot. si res dotalis culpâ mariti

- intercidant, & dolum & culpam illum præstare oportere, quæ  
 88 tamen in rebus propriis nemo præstat; † Hinc commoda, quæ  
 non ut fructus ex re proveniunt, sed jure domini accedunt, non  
 spectant irrevocabiler ad Maritum, sed eò, quo Dos ipsa, finito  
 89 matrimonio cedunt. † *Marito* autem dominium Dotis  
 adscribendum quatenus scilicet ex causa dotis res marito est tra-  
 dita, seu *quatenus legum subtilitate, quibus illa*  
*qualitas dotalis est inducta, in Patrimo-*  
*nium Mariti transit*, Magnif. Dn. Struv. *dict. Exerc.*  
 90 *ib. XII.* † Hinc solus vindicat, defendit, omnia denique velut  
 Dominus in rebus dotalibus agit. Competit enim ipsi rerum,  
 Mobilium alienatiõ, rei qualitate dotali affectæ vindicatio, l. 9.  
 C. de Rei. Vind. de re dotali subtractâ, actio Furti, l. 49. ff. de Furt.  
 & de damno dato, actio l. 18. §. 1. ff. Solut. Matr. Dn. Struv. *dict.*  
 91 *loc.* † Ex quib. apparet, tam penes Mulierem, quàm Maritum  
 Dotis dominium esse, sed penes Mulierem Naturale; penes Ma-  
 ritum Civile, quod subtili quadam juris fictione fieri ait,  
 92 Schneidev. *cit. loc. n. 6.* † Nec obstat duos non posse esse  
 ejusdem rei in solidum Dominos l. 5. §. ult. ff. Commod. Diver-  
 93 sum enim in persona utriusq; uti dictum, considero Dominium.  
 † Illarum autem rerum, quæ æstimatæ in dotem datæ sunt,  
 dominium omnino, quasi contracta emptione in Maritum trans-  
 94 fertur, l. 10. in pr. §. 5. l. 16. §. 17. §. 1. ff. de Jur. Dot. † Quem-  
 admodum etiam rerum quæ in pondere numero aut mensura  
 consistunt, liberum marito competit Dominium, ita tamen, ut  
 solutõ matrimoniõ, ejusdem generis & qualitatis alias restituat.  
 Magnif. Dn. Struv. *dict. Ex. ib. 14.* Nobiliss. Dn. Bechman, Præ-  
 ceptor ac Patronus meus sanctè venerandus, *Comm. ad b. t.*  
 95 Ubi varias adducit distinctiones. †

Hinc fluit ultima in hoc capite Quæstio An *maritus*  
*eò quò dixi modò Dominus, res dotales possit*  
*pro lubitu alienare?* quod nego, adeò ut etiam consen-  
 tiente Uxore, id ipsum facere nequeat, §. 1. *Inst. quibus Alien. lic.*  
 l. 1.

*l. 1. §. 15. C. de Rei. Ux. Aff.* † tūm ne illa re suā privetur, tūm pu- 96  
blica utilitatis gratiā, quūm intersit Reipubl. Mulieres esse do-  
tatas, *l. 1. ff. de Iur. Dot.* † Nec obstat huic asserto quod dixi, 97  
Maritum esse Dominum dotis. Habet Dominium, sed non  
absolutum, verum limitatum. † Omnia enim quæ marito con- 98  
cessa sunt, respectum ad Matrimonium & onera ejusdem, *l. 7. ff.*  
*de Iur. Dot.* involvunt, unde Marito libera alienatio, propter  
Dominium quod habet revocabile saltem, denegatur. † 99  
*Limitant* tamen DD. *in alienatione consensu*  
*Mulieris juramento firmata*, hæc enim (quamvis  
fortè Jure Civili secūs, Johan Philipp. *in Usu Inst. Pract. l. 2.*  
*Eccl. 40. n. 8. & 9.*) de jure canonico servanda. *c. cum contingat.*  
*X. de Iur. Iur.* † II. Si *prædium æstimatum fuerit* 100  
*datum*, tali æstimatione, quæ emptionem facit. Tunc enim  
alienare potest, quia commodum ac periculum ad eum pertinet,  
Schneidevv. *dict. loc. n. 9.* quare ad res æstimatas, illam alie-  
nandi prohibitionem non pertinere, testatur Dn. Struv. *dict.*  
*Exerc. tb. 21.* † Aliud si saltem æstimatio facta fuerit, ut scia- 101  
tur quanti plus vel minus valeat res tempore restitutionis, ut vel  
maritus cogatur refarcire deteriorationem rei dotalis, veluti  
*l. 21. C. de Iur. Dot.* Vel uxor habeat electionem, pacto forsan  
reservatam (si enim nihil convenerit, Mariti erit Electio) utrum  
solutò matrimoniò velit rem ipsam, an æstimationem rei, juxta  
*l. 10. ff. Eod.* † III. Si *pecunia* ex venditione redacta, 102  
*conversa sit in comparationem fundi utilioris*,  
*l. 26. l. 27. & 61. §. 1. l. fin. de Iur. Dot.* Dominus Struv. *dict. Ex*  
*tb. 21.* † IV. Si Dos fuerit *data in moneta* vel alia re, 103  
quæ pondere numero aut mensura constat, has enim res pro ar-  
bitrio distrahere potest, modò solutò Matrimonio, ejusdem ge-  
neris & qualitatis alias restituat, *l. 42 ff. de Iur. Dot.* † Hoc autem 104  
casu ut securè possit alienare, requirunt Dd. ut Maritus solvendo  
sit, & habeat alia bona, ex quibus Mulieri consuli possit. Schnei-  
devv. *dict. loc. n. 12.* † Notandum quoq; est, usu & jure Saxonico, 105  
C 3 etiam

etiam absque Juramento Uxoris, alienationem à Marito factam  
valere, dummodò de consensu ejus constet, & specialis adhibea-  
tur Curator. Carpz. p. 2. Const. 15. Def. 21. Decis. illust. 143. n. 28.  
Brunn. ad l. 2. C. de Fund. Dot. Philipp. in Usu Pract. d. Eccl. 40.  
in fin. † Quidam distinguunt inter bona Uxoris extra dotem  
posita, quæ maritum alienare posse cum consensu uxoris dicunt  
Wesemb. in Parat. de Fund. Dot. &, inter res dotales, in quibus  
anhuc L. Julix prohibitionem obtinere putat Matth. Wesemb.  
1. Conf. 25. n. 17. & 2. Conf. 63. & seqq. De his tamen vide Bach.  
in Not. ad Wesemb. ibique Hahnium in Observ. ad tit. de fundo  
dotali. num. 7.

### C A P. III.

## DOTIS AMISSIONEM ET PRIVILEGIA EXHIBENS.

1 Quamvis Dos sit concessa, ut oneribus Matrimonii deserviat,  
2 & eò solutò salva maneat Mulieri; † Evenit tamen, ut con-  
stante Matrimonio quandoque repetatur, eòque solutò mulier  
eam amittat, & Maritus lucretur. Quapropter operæ pretium  
me facturum duco, si de amissione egerò, & quibus ex causis  
3 Dos amittatur paucis dixerò. †

Amittitur autem *ex parte mulieris adulterio,*

*l. consensu 8. §. ult. C. de Repud. & l. 12. ff. ad L. Jul. de Adult.*

4 ità ut vir eam lucretur, *l. un. C. de Rei Ux. Act.* † Quod etiam  
de jure Canonico obtinere non obscure apparet *ex cap. plerum-*  
*que 4. de Don. inter Vir. & Uxor* Declaratur autem hæc regula,

quod procedat liberis non extantibus. Aliàs liberis quoad pro-  
prietatē conservatur; Marito verò ususfructus ad vitam debetur,

5 quò mortuò, plenum jus liberis acquiritur. † *Limitatur,*

denique à DD. multifariam I. Si Mulieri per vim inferatur  
adulterium, II. Maritus sciverit & non vindicaverit, sed potius

III. post commissum adulterium, eam carnaliter cognoverit.

IV. Si



IV. Si vir cum alia adulterium commiserit. † Quamvis enim 6  
quoad publicam vindictam, non admittatur compensatio, Berl.  
p. 4. Concl. 27. n. 63. Secus tamen est quoad amissionem Dotis.  
l. 39. ff. Solut. Matr. C. Intelleximus vers. quod si: X. de Adult.  
V. Si consensu Mariti, VI. Si ignoranter adulterium commi-  
serit, modo non sit crassa & supina negligentia, Vid. Berlich.  
p. 4. Concl. 29. n. 44. & seqq. † 7

Quæritur autem hic *an mortuo marito ejus ha-*  
*redes de adulterio conqueri & vel ad conse-*  
*quendam dotem agere vel ad retinendam ex-*  
*cipere possint?* † Ego rejectis DD. distinctionibus An sci- 8  
verit maritus adulterium, an ignoraverit, aut dubitaverit; an  
per viam actionis, an exceptionis experiatur, dico, Heredes  
mariti, contra ejus Viduam ad dotem consequendam nec agere,  
nec pro retinenda excipere posse. † Motus hâc solâ ratione, 9  
quod hâc actio vel exceptio tendat ad meram vindictam, qua-  
les actiones nec active; nec passivè ad hæredes, seu Civiliter,  
seu criminaliter agatur, sive sciverit defunctus, sive non, trans-  
eunt. l. 3. ff. de Publ. Ind. add. Gothofr. l. 2. C. si Reus vel Act.  
Mort. Ibiq. Brun. §. 1. Inst. de perpet. & temp. Act. ibi: excepta 10  
injuriarum actione & si quæ ei similis. add. Cost. c. 6. num. 27.  
† Nec obstat l. ult. C. ad L. Jul. Maj. De jure Saxonico ex- 10  
pressam habemus sanctionem, p. 4. Const. 41. ad quam Vid.  
Carpz. & Berlich. Concl. 30. n. 17. ubi limitationes invenies &  
imprimis, quod hâc constitutio ad Suos tantum pertineat,  
quemadmodum etiam responderunt, Jcti Jenenses Mens. Apr.  
An. 1645. Suos autem hic non strictè intelligendos monet, ci-  
tat. loc. Berlich. † 11

Sed, quid *de stuprata ab alio, qua Virginem*  
*se venditando alteri nupsit*, an detectâ fraude & di-  
vortio factô dotem amittat? † Et responsum fuit in Scabinatu 12  
nostro Prætori Magdeb. Anno 1617. quod licet relegatione  
plectatur, non tamen ob id dotem amittat, quia stuprum hoc est,  
non

13 non adulterium. † De eâ autem quæ post mortem ma-  
 riti stuprum admisit, an amittat dotem,  
 nec ne, inter se contendunt DD. Affirmantium nubem, cum suis  
 rationibus videbis apud Berlich. d. p. 4. Concl. 31. num. 5. Carpz.  
 14 Decis. Illustr. p. 2. Dec. 181. n. 2. † Nec minor tamen negantium  
 est numerus, adductus à Berlichio, dict. num. 2. Carpz. d. l. n. 3.  
 & in Prax. Crim. p. 2. q. 65. in quorum sententiam utpotè fir-  
 15 miori fundamento nixam & ego descendo. † I. per Novell.  
 16 de Restit. 39. c. 2. † II. quod nostrum non sit pœnas exten-  
 dere, multo minus privationis pœnam imponere absque lege.  
 17 argt. l. 14. §. de Rel. & Sumpt. Fun. † III. quod absurdum, ean-  
 18 dem adulterio & stupro imponere pœnam. † IV. quod solutô  
 matrimonio dos non amplius sit, sed mulieris patrimonium,  
 19 reliquis bonis Uxoris aggregatum. † V. quod Dispositio,  
 loquens de Uxore, præsertim in odiosis, intelligenda, de uxore  
 20 præsentis, quæ actu talis, non quæ fuit. † Rectè ergo Dos à  
 donatione propter nuptias aliisque lucris, quæ à marito conse-  
 qui & lucrari poterat mulier, separatur: cum in Dote de re sua  
 amittenda certet, in illis lucrum ex persona mariti captet, Dos  
 est proprium uxoris patrimonium, quod ei Maritus sine appro-  
 21 bata jure causa, auferre non potest. † Secus in hereditatibus,  
 Legatis, donationibus, & similibus quæ maritus facilius revo-  
 22 care potest, & revocasse præsumitur, si ei illata injuria. † Ad  
 rationes dissentientium respondentes, vid. Menoch. arb. iud.  
 quest. centur. 3. Cas. 287. n. 29. & seqq. Berl. d. concl. 31. num. 17.  
 & seqq. add. Dn Hahn. ad Wesemb. tit. Solut. Matr. n. 14 Peretz.  
 23 in C. Eod. tit. n. 19. † Idem, quod nempe dos amittatur, de  
 malitiosa desertrice dicendum, uti Scab. Jen. Mens.  
 24 April. An. 1645. pronunciarunt. †

*Ob Osculum autē mulier dotem an amittat*

Quæritur? Beguinarum errorem fuisse hunc, quod statuerint  
 mulieris Osculum (cum ad hoc naturaliter non inclinet) esse  
 mortale peccatum, Actum autem carnalem, maximè cum ten-  
 tatur Exercens, peccatum non esse, notavit & condemnavit  
 Cle-

Clemens V. in Concilio Vienens. cap. f. de Hæret. in Clement.  
† Ab his si responsum petiisses, absque dubio affirmative re- 25  
spondissent. † Italis quoque & Hispanis oscula adeò suspecta 26  
esse, ut ex eo arguant uxorem adulteram, ejusque causâ dote  
privandam censeant, ex Joh. à Ripa tradit Tholos. *Synt. Jur. Univ.*  
*l. 3. c. 8. num. 25.* † Inde libidinis prænuucia, & adulterii præ- 27  
ludia certissima dicuntur, imò quædam fruitio censentur; Unde  
interveniente osculo, dimidia pars rei donatæ, à sponsis super-  
stiti cedit *l. 16. in pr. C. de donat. ant. Nupt.* † Ego tamen ob 28  
oscula etiam *luxuriosa*, nisi aliæ circumstantiæ accedant,  
mulierem dote non esse privandam arbitror, † tùm quod defi- 29  
ciente lege, privationis hanc pœnam inducere erubescamus, † 30  
tùm quod quamvis suavia ejusmodi, & *columbarum oscula*  
Vid. Arist. *l. 1. de Hist. an. c. 1.* propinquum copulæ carnalis  
actum constituent, adeoque præsumptionem adulterii inducant,  
tamen, quia ad probandum adulterium præsumptiones non  
sufficiunt, sed manifestæ probationes aut conjecturæ non dubiæ  
*c. 12. x. de Presumpt.* Magnif. p. m. Ungep. *Com. in Decr. tit. de*  
*Adult. n. 5.* requiruntur, † & ob *Suavia* divortium non 31  
permittatur, Carpz. *Jurispr. Confist. Def. 189.* nec dotem mulie-  
rem exinde amittere sequitur. † Quin & iis in locis, ubi mo- 32  
res regionum, ut liberè oscula veluti in *Gallia, Belgio,*  
ut & nonnullis *Germania* nostræ oris, figere liceat, ferunt,  
nec firmam inde adulterii præsumptionem oriri existimo. † 33  
Sæpe enim ibi *inania oscula* libantur: de quibus Puella  
apud Theoreticum, *Eidil. 28.*

### *Inane Osculum* --- --- ---

*Lavo os meum, & osculum despuo*

† Hæc de amissione Dotis ex parte Uxoris: *Ex parte* 34  
*Mariti ob adulterium, hæresin & malitiosam*  
*disertionem* non minus (iis nempe in casibus quibus alias  
dotem lucraretur) amitti, dubio caret. *c. non machaberis 32.*

D

qu. 6.

qu. 6. Nov. 22. c. 15. Nov. 117. c. 8. Coler. Decis. 176. tenentur  
35 enim uxor & Maritus ad æqualia. † De *desertione* quidem  
in foro Sax. quondam disputatum, Mod. Pist. p. 2. qu. 90. hodiè  
36 res decisa, p. 3. Const. 26. add. Carpzov. d. const. Def. 1. †  
*Malitiosam* autem dixi desertionem. Desertor enim non  
censendus, qui vel *officii ergo* vel ex alia saltem probabili  
causa, diutius abest; *Verum* qui à conjugè nullâ justâ causâ  
coactus, sed vel levitate vel injustâ impatientiâ freni conjugalis  
37 impulsus, discedit. Berl. p. 3. Concl. 36. num. 17. † Non au-  
tem *perpetua* requiritur desertio; Unde qui conjugem peste,  
vel etiam alio morbo v. gr. puerperio laborantem ad tempus  
38 deserit, dotem amittit, juxta tradita, Carpzov. Berl. dict. II. †  
Quod tamen intelligendum si uxori *agræ*, de medico & me-  
dicamentis, cum id facere potuisset non prospexerit, & Uxor,  
39 fuerit mortua. † Ubi tamen præsumptio quæ est pro marito,  
onus probandi transfert in adversarium. Carpz. d. l. Def. 4. Berl.  
d. l. n. 12. & seqq. ubi n. 46. & seqq. limitationes plures.  
40 † Causam quoque amittendæ dotis DD. constituunt:  
*Si verberet & expellat uxorem*, Carpz. d. l. Def. 6.  
quod tamen rectè videtur restringere Berl. ad eum casum, si ex-  
pulsæ vel ex frigore, vel aliò infortunio in exilio moriatur, d. l.  
41 num. 24. † Ea etiam justa amittendæ dotis reputatur causa,  
*si alimenta ei negaverit*, cum denegans alimenta  
neccasse censeatur, l. 4. ff. de lib. agnosc. add. l. 6. ff. de alim. l. 43.  
42 ff. de V. S. † Quod tamen & ipsum, Dd. dupliciter limitant,  
& restringunt ad eos casus, si ex defectu alimentorum mulier,  
decesserit argt. l. 22. §. 8. ff. Solut. Matr. & dos promissa, fuerit  
soluta, Cöler. Decis. 257. n. 6. Carpz. dict. l. def. 5. Berl. d. l. n.  
43 49. & 50. † Addunt & aliam Dd. *si necem mulieris*  
44 *fuerit molitus*, Carpz. d. l. Def. 7. Boër. Decis. 26. n. 2. †  
*Sed quid si Uxorem in flagranti adulterii cri-  
mine deprehensam occiderit? an & tum dotem*  
amit-

amittat. † Affirmativa communis defenditur, argt. l. 10. § 1. 45  
ff. solut. Matr. vid. Julius Clar. l. 5. sent. §. homicidium num. 22.  
Br. Jason. Cöler. citati à Berl. d. Concl. 36. num. 5. Carpz. d. l.  
Def. 7. num. 3. Jacob. Butrig. Tr. de Dote num. 26. Beust. Tr. de  
Jur. Connub. p. 3. c. 6. † Addunt & illam, Si uxor ab alio fue- 46  
rit occisa, cujus *necem maritus*, qui occisorem novit,  
*vindicare noluit*, Vid. Pensold. in add. ad Col. p. 2. Dec.  
286. Berl. & Carpzov. dd. loc. Ubi & de remissione conjugum,  
tam tacita quam expressa, item de separatione quoad thorum &  
menfam plura videbis Def. 13. 14. & 15.

† Agendum jam esset de *Dotis lucro* & ad quem, 47  
solutio marimonio Dos revertatur. Verum, cum accuratè per  
varias divisiones & subdivisiones hæc pertractaverit Magnif.  
Dn. Struv. Ex. XXX. tb. 49 & 50. me eò remitto. add. ibid.  
allegatos. Magnif. Dn. Strauch. Ex. 3. tb. 18. Nobiliss. p. m.  
Dn. Hahn. ad tit. Sol. Matr. ibique Peretz.

† De *Actionibus* etiam tum Marito, tum Uxori 48  
competentibus, latissimus sese hic dicendi campus aperiret.  
Sed paucis & I. *de Marito*. † *Aut dos non est* 49  
*promissa*, & nihilominus Maritus à Socero *locuplete*,  
dotem congruam exigere, & pro eâ constituenda officium judi-  
cis implorare potest. l. 19 ff. de Rit. Nupt. Gail. 2. obs. 17. Carpz.  
p. 1. Dec. 16. n. 2. † *Aut promissa*, & pro exigenda ea competit 50  
actio ex stipulatu, Dotis enim promissioni semper creditur in-  
esse stipulatio, l. un. §. 1. C. de Rei U. A. cui annexa tacita hy-  
potheca d. §. 1. Carpz. Dec. Illust. p. 1. Dec. 57. quæ tamen bonæ  
fidei non est, Bach. V. 2. Diss. 7. tb. 8. L. A. Dn. Struv. d. l. tb. 7.  
Diss. Peretz. in C. b. r. n. 9. Brun. in Comm. ad l. un. C. de R. U. A.  
† Illud constat, quod dote non promissa defunctâ uxore ea peti 51  
non possit Carpz. d. Dec. 16. † De eò autem quæsitum quid 52  
*obtineat dote intra annum & diem promissâ*,  
*si mulier intra annum moriatur?* Dotem mari-  
tum

tum non posse petere, ex l. ii. ff. de Pact. Dot. statuit Thoming.  
Dec. 29. De Jure Saxon. vid. Carpz. all. Dec. 16. n. 6.

53 † *Uxorem* quod attinet, illi matrimoniò solutò (De  
eo enim casu quando nuptiæ secutæ non sunt, vid. l. 23. & l. 17.  
ff. Sol. Matr.) duplex competebat actio I. ex stipulatu  
II Actio Rei Ux. Sed hanc Justinianus abrogavit, & actionem  
ex stipulatu, licet vel nulla, vel inutilis stipulatio intervenerit,  
concessit, eique non modo qualitatem quod sit bonæ fidei at-  
tribuit, adeoque, quod optimum Rei Ux. Act. erat, in actionem  
54 utroque latere superaddidit. d. §. 1. C. de R. U. A. † Dixi  
*Matrimoniò solutò. Regula* enim est, eam, hoc con-  
stante, quia oneribus matrimonii inservire debet, l. 70. ff. de  
55 Jur. Dot. repeti non posse, l. 2. ff. sol. Matr. † *Fallit*  
tamen hæc si maritus vergat ad inopiam, tunc enim non secus  
ac si solutum sit matrimonium vindicare potest dotem. l. 29. C.  
56 de Jur. Dot. † *Nec culpa mariti* hic requiritur, sed suffi-  
cit, etiamsi *casu* ad inopiam fuerit redactus, lex enim culpæ  
mentionem non facit, & à pari procedunt inopia mariti, & dis-  
57 solutio matrimonii. Brunn. ad d. l. 29. C. de Jur. Dot. † Quod  
non de dote solum *sed & donatione propter nuptias*  
58 & bonis paraphernalibus verum est, d. l. & Auth. seq. † Nec  
verò repetitio hæc, solum bona, plenò jure mariti propria, per-  
sequitur, Gail. 2. Obs. 83. n. 4. Sed & Emphiteutica, imò feuda-  
lia, Gail. d. l. in quibus tamen, solutò jure mariti, jus quoque,  
59 uxoris extinguitur. † Quemadmodum etiam uxor hoc casu  
repetens dotem, eam alienare non potest, sed ex fructibus &  
se & Maritum & communes liberos alere debet. l. 24. ff. Sol. Matr.  
60 † Quâ autem actione, an utili in rem, tanquam ipsò jure domi-  
nium ad Mulierem revertatur, an verò utili ex stipulatu repe-  
tatur, Vid. Mich. Grass. lib. 2. sent. 9. 17.

61 † Illud etiam hic queritur, an *Maritus Uxorem*  
*ex causa inopie dotem repetentem datis fide-*  
jusso.

*jussoribus submovere possit?* Affirmativam defendit,  
Giph. ad d. l. 29. † Non autem mulier solum contra mari- 62  
tum sed etiam Socerum qui dotem recepit, & ad inopiam ver-  
git, vel male sua substantia uti incipit, ad repetendam dotem,  
agere potest, sed etiam ab extraneis creditoribus matrimonio  
non obstante, eam vindicare, aut si ipsa possideat, exceptione  
proposita contra eosdem se defendere potest d. l. ubi adhuc 29.  
C. de Jur. Dot. † *Num creditoribus hoc casu com-* 63  
*petat jus offerendi* non minus dubium est: Affirmati-  
vam, argt. l. 10. C. qui pot. in pign. tuetur, Fach. l. 3. Cont. 100.  
& l. 11. Contr. 14. Franc. Sarm. l. 2. sel. interpr. 12. num. 1. † Ad 64  
*probandam* vero istam inopiam & prodigalitem, vulgi  
opinionem & semiplenam probationem sufficere existimat.  
Gail. d. l. n. 12. Ubi quot modis quis ad inopiam vergere dica-  
tur eleganter tradit. † *Quid vero, si scienter mu-* 65  
*lier obarato nupsit marito*, an tum dotem con-  
stante matrimonio repetere potest? Tractat hanc questionem  
late jam cit. Gail. Observat. 34. qui allatis pro & contra argu- 66  
mentis, tandem concludit, quod, si uxor ante matrimonium  
*plene* cognovisset & exploratam habuisset viri conditionem,  
mulieri non competat hoc privilegium, cujus tamen scientiae  
probationem viro injungit. † Si vero mulier viro de dilapi- 66  
datione, populari tantum rumore suspecto, qui tamen faculta-  
tibus nondum erat lapsus, scienter uupsit, ipsi non negan-  
dum esse, sed consulendum beneficio juris communis affirmat.  
† Brunnem. ita: *Aur nova suspitionis causa emergit, aut non, &* 67  
*hoc casu non quidem ex hac lege 29. agere potest, sed tamen potest*  
*cautionem petere de securitate dotis, argt. c. per vestros 7. x. de*  
*Don. inter Vir. & Ux.* † *Quid vero si maritus lo-* 68  
*cupletior factus?* Dotem restitutam eum repetere posse  
aequior videtur sententia, Gail. l. 2. Obs. 95. tum quod res qua-  
vis facile ad suam naturam revertatur, tum quod ratio haben-  
da amoris conjugalis, & prospiciendum, ut materia litis pra-  
sci-

scindatur, Brun. d. l. add. l. 4. §. 1. ff. de Mun. & bon. l. 17. & seqq.  
ff. de Exec. Rei. Jud. Wissenb. b. 1. num. 16. Diff. Accurs. Giph.  
& Busius.

69 Restat nunc ut de *privilegiis dotis* brevissimis  
agam. Plurima autem dotis constituuntur privilegia, quemad-  
modum Bald. Novelli, in Tr. de Dote 186. recenset, quorum  
80. ante, 48. constante, 38. soluto matrimonio competere, 20.

70 verò circa ipsum iudicium versari tradit, part. 6. 7. 8. & 9. †  
*Verum* omnia hæc examinare nec instituti mei nec tempo-  
ris ratio patitur. Videbo ergo solummodo *Jus* cuius jam  
suprà mentionem feci, *tacita hypotheca* & in eo fundatum  
*Jus retentionis* Et 3. *Jus prelationis* in concursu cre-  
ditorum ac ita huic discursui FINEM imponam.

71 † *Tacita hæc hypotheca* competit I. *Uxori*  
*ratione dotis*, & quidem in omnibus mariti bonis, utpote  
legali hoc nexu affectis l. un. §. & ut plenius. C. de Rei Ux. Act.

72 † Unde non tantum maritum convenire, sed etiam contra ex-  
traneos hypothecaria actione rerum ipsius Mariti possessores  
73 experiri potest. † Ubi tamen circa *merces*, vid. l. 34. ff.

*de Pignor.* Et hæc hypotheca non solum locum habet in *Dote*  
74 *vera* sed & *putativa*, Bald. Nov. p. 11. in pr. Beust. p. 3. c. 12.

quin & in *augmento dotis*, §. aliud quoque 2. Nov. 97.  
74 † Non etiam solummodo ad Dotem restrictum est hoc privile-  
gium tacitæ hypothecæ, sed extenditur ad *donationem*

*propter nuptias*, pro qua si in majorem dotis securitatem  
facta, aut pactum quod mortuò maritò uxor eam lucrari debeat,  
80 adjectum, Carpz. Jur. Rom. Sax. p. 2. Const. 42. num. 8. etiam

bona mariti tacitè obligata sunt. l. 29. Ibiq. Gloss. C. de Jur. Dot.  
Neguzant. de pign. 4. m. p. 2. n. 64. Beust. d. l. Schneidevv. ad  
75 tit. Inst. de Act. n. 35. † Imò etiam ad *bona paraphernalia*

per maritum administrata porrigitur, l. f. C. de Pact. Cono.  
† Ubi



† Ubi tamen notanda differentia inter dotem & paraphernalia. 76

*In dote* incipit hæc hypotheca à die consummati matrimonii  
*l. 1. ff. qui pot. in pign. Gail. 2. Obs. 86. in paraphernalis*  
autem à die illationis, Carpz. p. 2. c. 24. D. 3. Magn. Dn. Richter,  
*Tr. de priv. cred. D. 6. §. Deinde.* † Nec tamen uxori solum 77

privilegium tacitæ hypothecæ concessum, sed *Et Marito*  
pro dote consequenda *d. l. un. §. C. de R. U. A.* † Hinc Schnei- 78  
devy. infert bona uxoris pro *evictione dotis*, si forte eam  
à marito evinci contingat, obligata esse. † *Filiabus* etiam in 79

feudis, deficientibus bonis Hereditariis, pro elocatione tacitam  
hypothecam tribuit, Laud. Dn. Richt. *Tr. de priv. cred. Disp. 80*  
*num. 7.* Qui tamen ibidem de jure Saxon, loqui videtur, quem- 78  
admodum ipse in fine hanc sententiam restringit, quod in con-  
cursu creditorum, filix respectu dotis omnibus paternis credi-  
toribus postponantur, illisque dos non debeatur, nisi soluto æro  
alieno, Vid. Carpz. p. 2. *Const. 46. Def. 17.* † *Extraneo*, 80

vero qui dotem dedit, & eam forte sibi restitui stipulatus est,  
privilegium tacitæ hypothecæ in bonis mariti non tribuitur,  
tùm quia lex deficit, tum quia tacita stipulatio & tacita hypo-  
theca pari passu ambulant, §. 1. *C. de R. U. A.* Tacita autem  
stipulatio in favorem extranei non fingitur, Unde nec tacita hy- 81  
potheca. † Quæri hic solet *an privilegium tacitæ hy-*

*potheca persone an actioni siue causa competat?*  
Posterius affirmatur, *d. l. un. §. 1. & §. 4. C. de R. V. A.* † Unde 82  
non attentis iis quæ prolixè adducit, Bald. Nov. *Tr. de Dote p.*  
*12. num. 1.* concludo: Non tantum transire ad heredes mulieris,  
sed & cedi posse in quemcunque Extraneum, imò cessa actione  
personali, etiam hypothecam ceu qualitatem & pedissequam  
cessam censi. Carpz. p. 1. c. 28. *Def. 99.* † Nam licet hypothe- 83

ca inducta sit primum favore mulieris, doti tamen ipsi & actio-  
ni huic pro dote competenti data, omnino igitur cum re trans-  
fertur. Brunnem. *Tr. de cess. c. 4. n. 88.* † Ad quemcunque 84  
ergo transit dos vel hæc actio, ad eum transit & hypotheca,  
Unde

Unde Schneidevv. *diſt. l. n. 36.* ex Jaſone refert, Baldum dixiſſe: Privilegium hoc tranſire ad quemcunque transmittatur hæc actio etiamſi ad Diabolum infernalem tranſeat.

85 † Ex tacita hypotheca fluit II. *Privilegium*

*Retentionis*, cujus vigore mulier Mortuò marito, propriâ autoritate poteſt remanere in bonis defuncti donec ei dos reſtituatur. Schneidevv. *d. t. de Action. §. fuerunt. num. 32.*

86 † Quin & vivò marito, quaſi communem uſum & poſſeſſionem bonorum omnium ejus habere videtur, æquiſſimum ergò, ut jure retentionis ea tam diu poſſideat, donec dos illata reſtituatur, Neguzant. *de pign. p. 5. pr. m. 4.* Mynſ. *Cent. 6. Obſ. 45. n. 5.* quod de Jure Saxon. expreſſâ conſtitutione firmatum. *p. 2.*

87 *Conſt. 25.* Ubi vid. Carpz. *Def. 8.* † *Quid verò ſi tempore obitus mariti, Viduâ forte alibi degente, ab heredibus poſſeſſio apprehendatur?* Matth.

Coler. *de Proc. Exec. p. 1. c. 2. n. 220.* reſtringit jus retentionis

88 ad caſum vacuæ poſſeſſionis. † Contrarium tamen ſtatuit Carpz. *Lib. 4. Reſp. 19.* ex hac ratione; quod quamvis corpore abſens ſit mulier, nec realiter bona defuncti mariti teneat, *animo* ſaltem retinuiſſe poſſeſſionem cenſenda, *d. l. num. 8.*

89 † Ubi ulterius infert: Quod etſi Vidua ab heredibus Mariti fuerit ex poſſeſſione *dejecta*, vel blandis ſermonibus, quaſi heredes ei ſtatim dotem ſoluturi ſint perſuaſa deceſſerit, ante omnia ſit reſtituenda, uti multis Dd. autoritatibus firmat, *n. 13.*

90 § 14. † Quod non ſolum in dote ſed & pro *dotalitio*, rebusq; aliis paraphernalibus mulieri competere ſtatuit Rauchb. *p. 1. qu. 33. num. 22.* Matth. Weſemb. *p. 1. Conſ. 77. num. 9.* adde de portione ſtatutaria Carpz. *d. l. Def. 9.* de donatione propter nuptias & portione pactis dotalibus aſſignata. *Def. 10.*

91 † *Exercebit* autem mulier jus retentionis in tot & tantis bonis, quæ ad concurrentem æſtimationem dotis & cauſam alimentorum ſufficiunt, Cöl. *d. l. p. 1. c. 2. n. 224.* durante  
intc.

interim jure tacitæ hypothecæ in universis. Gail. l. 2. Obs. 92.  
n. 12. & 13. Unde non nisi ad indigentiam suæ necessitatis ex iis  
alimenta habet, eaque si forte Curatorem accipere recuset, ad-  
ministrare, & finitò retentionis jure rationem administrationis  
reddere tenetur, Carpz. d. l. def. 11. 12. 13. & 14.

† *Liquidam* autem præsuppono dotem, Quoad 92  
*controversam* enim & illiquidam retentionis jure non  
gaudet, sed præstitâ cautione ab heredibus, excedere juberi  
potest. Berl. p. 2. Concl. 32. num. 15. † Alias mulier hoc jus non 93  
*tantum* ad heredes transmittit, sed & in quemvis, etiam sin-  
gularem possessorem transferre potest, per ea quæ tradit, Berl.  
d. l. num. 8. Myns. cent. 6. Obs. 82. n. 2. adde pluribus Carpz.  
Respons. 20. & 21.

† Sequitur tandem jus *Prelationis* fundatum in l 94  
*Affiduis C. qui Pot. in pign.* cujus vigore mulier non tantum  
habet tacitam, dictò modo, hypothecam; sed & tale privilegium  
ut omnibus aliis creditoribus mariti præferatur. † *Ratio* 95  
quæ Justinianum movit, fuit non solum Dotis utilitas & favor  
publicus, sed & obsequia & partus periculum, d. l. n. De cujus  
genuino sensu videbo. † Diverse autem circa explicationem 96  
tx. occurrunt opiniones duorum Glossatorum, *Martini* &  
*Bulgari*, quorum ille indistinctè omnibus etiam antiquo-  
ris temporis hypothecâ vallatis creditoribus præfert mulierem,  
tùm propter generalitatem tx., tum quod taciti & expressi  
idein sit judicium. † Quod etiam in *Marchia* ita obser- 97  
vari testatur, Bruan. ad h. r. † *Bulgari* tamen, qui ad taci- 93  
tam saltem hypothecam text. restringit, videtur esse communior.  
† Et sanè si præcisè verbis legis inhære velis, Martini senten- 99  
tia fortè esset admittenda, *Communem* verò qui sequun-  
tur, respondent cum Magnif. Dn. Richtero Tr. de priv. cred.  
*Dip. VI. Sect. I.* quod d. l. intelligi debeat de *illis creditoribus,*  
qui

*qui ex privilegio temporis* id est: provisione legis anteriorem habent hypothecam, *non verò, qui ex provisione hominis*, seu speciali & expressa conventionem.

100 † Eodem ferè modo, Gail. l. 2. Obs. 25. n. 10. quod nempe provisione legis non debeat excludere provisionem hominis & expressam conventionem, temporis prerogativa firmatam: aliàs enim multi creditores, contra bonam fidem, iniquè deciperentur, iisque jus conventionem quæsitum auferretur, contra *regulam*:

101 quod privilegium juris citra injuriam alterius concessum intelligi debeat, ut loquitur cit. Gail. l. 2. Obs. 25. B. Carpz. *Jurispr. For. p. 1. Const. 28. Def. 65. num. 11.* † Unde concinnè Bart.

*Lex suum, non tibi tuum denegat auxilium.*

102 † Præfertur itaque Mulier, habens tacitam hypothecam priorem, creditori habenti expressam posteriorem. † Si verò

103 *concurrunt* mulier & creditor, & uterque habet expressam hypothecam, tunc priorem tempore præferri alteri, juxta Reg. *in l. potior. 11. ff. qui pot. in pign.* statuunt Magnif. Dn. Rich. *d. Dis. Sect. 1. Schneidevv. l. cit. n. 59.* B. Carpz. *Jurispr. For. p. 1. Const. 28. Defn. 68. n. 3. 4. 5. & seqq.* †

104 Competit hoc privilegium Doti sive *extent* res dotales sive non *d. l. vers. licet dotales.* Brunn. *ad d. l.* quod extenditur, etiamsi in bona mariti conversa non sit, Laud. Dn. Richt. *d. l.* B. Carpz. *Jurispr. Foren. p. 1. Const. 71. n. 2.* Quod hoc Responso firmat, † So werdet ihr solches eures eingebrachten Ehgeldes/ wenn auch gleich solches in eures Mannes Güter nicht verwendet wehre/ vor allen andern Gläubigern/ so kein älter anderserlich Unterpand erlangt/ billig befriediget. B. R. W.

105 Nec pro dote *solum* Mulieri hoc privilegium competit, sed & pro augmento dotis *l. etiamsi 8. C. de Jur. Dot.* quod à die facti augmenti demum incipit per *txt. l. si constante. 19. vers. Jura enim hypothecarum C. de Don. ant. Nupt.* † Idem in

106 Dotalitio, quod aliàs Donarium, Dotarium, Vicilitium, Ein Leibgeding/ Leibzucht/ Leibguth/ Wittthumb/ vocatur, Magnif.

107 Dn. Richt. *d. l.* † Non autem competit ei in bonis parapher-

phernalibus, quæ ultra dotem marito attulit, *l. si ego 9. ff. de Iur. Dot. & argt. l. assiduis. 12. §. fin. C. qui pot. in pign. B. Carpzov. Iurispr. For. p. 1. Const. 28. Def. 96.* Nec in donatione propter nuptias, Brun. *d. l.* † Dicit enim Imperat. *in d. l. 108 assiduis 12. §. fin.* quia non pro lucro fovemus mulieres, sed ne damnum aliquod patiantur circa res suas. † Si verò mulier<sup>109</sup> donationē propter nuptias exigat, non ut eam *lucretur, sed* tanquàm specialiter sibi pro dote obligatam, ut dotem salvam retineat, meritò gaudet prælationis privilegiò, censetur enim agere potiùs pro dote, quam pro donatione propter nuptias. Schneidevv. *cit. loc. num. 62. Berl. Concl. 65. num. 72.*  
In *bonis quoque feudalibus* Mulierem ratione Dotis cæteris creditoribus posterioribus, expressam hypothecam habentibus postponi tradit, Magnif. Dn. Richter. *d. l. cum mul. ibi cit.* Ubi ità Serenissimi Electoris Brandenb. Consiliarios pronunciaſſe dicit. † *Sic* etiam non competit prælationis<sup>110</sup> privilegium mulieri quæ communem exercuit cum marito negotiationem & debita simul contraxit: Videntur enim cum Uxore simul contraxiſſe creditores, quare mulieri privilegium hoc denegandum est, ne cum ea contrahentes iniquè decipiantur. † Et ita passim in *Germania* receptum esse testatur<sup>111</sup> Gail. *l. 2. Obs. 90. num. 5.* † Idem quoque obtinere vult. B.<sup>112</sup> Carpzov. *d. Const. Def. 84. in ea quæ sciens viro ob- ratò nupsit,* rationem reddit hanc, quod videatur mores mariti approbasse, *l. promittendo 41. §. si à debitore ff. de Iur. Dot. l. inter causas 26. §. abesse ff. Mand.* adeoque ipsi non magis succurrendum, quam *fidejussori*, qui scienter pro homine inope vel prodigo fidem suam interposuit, cui propterea actio ad liberationem non competit, etiamsi diu fidejussionis nexu fuerit obligatus *l. si is à quo 3. §. f. ff. ut in poss. leg. l. ult. §. hic illud quoque C. de spons.* Sed de his superius jam dixi. *n. 64.* † Illud certum est; Mulieri non competere privilegium<sup>113</sup> prælationis, quando maritus *culpa uxoris*, ob malam nempe  
E 2 ejus

eius administrationem aut ob luxum ad inopiam pervenit B.  
Carpz. d. Const. Defm. 95.

114 † *Antequam* autem mulier prælationis jure gau-  
deat, necesse habet ut Dotem vere illatam *probet*, juxt. l.  
115 *affid. 12. §. 1. vers. cum enim ibi.* † Probatio autem illa solutæ dotis,  
per testes, documenta vel alium legitimum modum regulariter  
fieri debet, *Si vero* uxor nec testes nec documenta habeat,  
tùm concurrentibus *conjecturis* & præsumptionibus, illatio-  
nem dotis *juramento* probare potest. Magnif. Dn. Richt.  
116 *d. Disp. VI.* † Non enim *sufficit* confessio mariti, Hæc  
etenim, si constante matrimonio facta, nec aliunde numeratio  
aut constitutio appareat, suspectissima, B. Carpzov. d. Const.  
117 28. Def. 27. num. 4. † *Limitant* tamen hanc assertio-  
nem DD. Si & reliqui creditores ex sola literaria cautione  
& confessione debitoris agant, quando enim mulier & alii  
118 creditores, *in pari sunt conditione* mulierem in dote  
confessata præferri, quia favorabilior est, affirmat Gail. l. 2. Obs.  
81. n. 5. † *Item* si post confessionem mariti fiant demùm  
119 creditores, aut confessionem dotis à marito factam non im-  
pugnent L. 3. in verb. exceptione opposita C. de non num. pec.  
† *Restringit* quoque Magnif. Dn. Richt. d. l. Limit. 6.  
120 prædictam assertionem, si tempus opponendi exceptionem,  
non numeratæ dotis fuerit elapsum, quando nempe matri-  
monium ultra decennium duravit & maritus moreretur, nu-  
meratio enim dotis ex diuturnitate temporis præsumitur o-  
mnisque quærela denegatur, Nov. 100. c. 1. Et Auth. quod lo-  
cum C. de Dot. caut. non numer. † *Competit* autem pri-  
vilegium hoc *soli uxori*, quare in Extraneos heredes (se-  
cus in liberis b. l. vers. exceptis & Nov. 91. pr.) transmitti ne-  
quit l. 196. ff. de R. l. l. 12. § 13. ff. Sol. Matr. Personalissimum  
enim est. ex Const. Just. in l. 12. C. qui pot. in pign. quare deficiente  
per.

personam quæ locum fecit beneficio, deficit quoque beneficium,  
*l. 68. ff. de R. J. B. Carpzov. Jurispr. Forens. p. 1. Const. 28.*  
*Def. 95.*

Habes hic Benevole Lector Disputatio-  
nem non *pro dignitate materia, sed* pro tenuio-  
ris ingenii modulo conscriptam: *Fusus* qui-  
dem tractari potuisset & *accuratius*, verum, *pri-*  
*imum* rogo ut adscribas temporis penuriam, *al-*  
*terum* doctiori calamo me reliquisse scias, quare  
si spei tuæ non omnimodè satisfecerim, pero, ut  
memor *imbecillitatis humanæ*, ob quam Imp.  
Just. de Confirm. ff. §. 4. *Immortalem* appellat  
*eum qui in nullo plane peccat*, amicio hanc ad-  
spicias oculo. Interim

Tibi triune Deus pro clementi-  
adſistentia  
Maximas persolvo grates.

EMENDANDA.

Cap. I. n. 13. post ille: dele vel. Cap. II. n. 20. lege reciproca  
n. 58. l. quadringentis. n. 61. l. auferri. n. 86. l. diversò respectu n. 106.  
l. adhuc. Cap. III. n. 20. lege auferre n. 31. leg. permittitur n. 34. leg.  
desertionem n. 41. l. necesse n. 61. lege negativam.

E 3

Non

**N**on tibi præstigiæ titulo-  
rum, rebus inanes

Non tibi frons chartæ pro-  
digiosa placet.

Judicio qui pollet, inanibus u-  
tile præfert,

Hæc est judicii DOS pretio-  
sa tui.

STRAUCHIUS.

---

*Nobili & egregie docto*

**DN. CHRISTIANO ANTONIO**

**STAMMICHIO, Mind. Guest. Jurium**

**Cultori eximio**

*Fautori & Amico meo sincerâ mente semper colendo*

*Tertiâ vice,*

**Publicam apud Nos Cathedram non sine laude  
conscendenti**

**D**otibus ingenii quam sis præ-  
clarus, id omnes

**Heroas juris pagina docta docet:**

**Pagi-**



Pagina nimirum quæ TE de DOTE  
diserta

Verba volutantem prædicat  
Eximium.

Gratulor idcirco de tantis Dotibus  
ipse,  
de DOTE hic sermo commoda  
plura vehat.

*Sic presentes futurasque dotes gra-  
tulari voluit*

ADOLPHUS CHRISTIANUS Schelhase/ D.

---

**L** A dote, che la Moglie porta seco,  
Mentr' ella vuol andar al suo marito,  
Ne l'or consiste appesso al mondo cieco;  
Ma quei che son di spirto più polito,  
Ne la virtù la fondon, & son teco  
Di senso più elevato ed esquisito;  
Et de la dote quì ben disputando  
La dote del tuo ingegno vai mostrando.

Si rallegra col signor Rispondente ed  
Autore delle presente  
disputa

Carlo Caffa, D. P. P.  
Es

**E** hat die Pallas iederzeit die Thren wohl belohnet/  
und nichts / was zum Schmuck gehört an selbigen  
geschonet/

363 Wer nur die Tugend hat zur Braut/  
Dem wird die Ehre auch vertraut.

Dann / welchem schon die Braut gewehrt/  
Dem ist der Brautschaz auch beschert.

Du hast dich / werther Musen-Sohn / alsbald von zarter  
Tugend

Verlobet und verehelicht mit Pallas Tochter Tugend;

Nun stellt sich auch die Ehre ein

Und spricht: Ich wil der Brautschaz seyn,

Dann / welchem schon die Braut gewehrt/

Dem ist der Brautschaz auch beschert.

So hastu was du haben wilt / und ist dein Wunsch erfüllet/  
Nachdem der Brautschaz und die Braut ietzt dein Ver-  
langen stillet.

Nun sprichstu / Kan ich sicher seyn:

Der Brautschaz und die Braut ist mein.

Dann / welchem schon die Braut gewehrt/

Dem ist der Brautschaz auch beschert.

Es wil doch aber diese Braut allein nicht bey dir bleiben/

Es soll sich auch in kurzer Zeit ein andre dir verleiben.

Wir reden hie das Ja-Wort ein.

Der Brautschaz muß verdoppelt seyn:

Dann / wann dir schon die Braut gewehrt/

Ist dir der Brautschaz auch beschert.

Mit diesem wenigen wolten den Herrn Antorem,  
als Ihr hoch-geehrtes und geliebtes Tisch-

Glied schuldigst beehren

Ihrer Excellenz Hn. D. von Wintheims

**Sämtliche Tischgenossen.**

F I N I S.






ULB Halle

3


005 132 681



V017







Farbkarte #13

B.I.G.

Blue Cyan Green Yellow Red Magenta White 3/Color Black

CHRISTO, ATQUE  
TORUM ORDINIS,  
ALANA CONSENSU  
ne volo,  
NEM JURIDICAM

TE,

RÆSIDIO  
I, AMPLISSIMI ATQUE  
ULTISSIMI  
I HARBORDI  
J. U. D. CELEBER.  
PROVINCIALIS SAXO.  
UE LINEÆ COMMUNIS,  
ATI ORDINARIU,  
troni ac Præceptoris sui omni  
ltu et atem devenerandi,  
TORUM EXAMINI SISTIT  
N. Anton Stammich/  
ind. Guest.  
OR ET RESP.  
MUM HORIS CONSUETIS  
em 23. Septemb.

pis WERTHERIANIS,  
M. DC. LXIX.

82  
1668, 56  
22  
//

6

